



Senin, 19 Desember 2022

**Ogen : Roma 8:6-8**



**Pusuh Siikuasai Kesah Dibata**



Sekalok anak perana nungkun man rondongna erkiteken lanai ndekahsa sura-surana njabuken bana. Anak perana: "enggo itandaindu aku rikut ras kegeluhennku sedekah enda. Situhuna seh meluatna, janah labo pantas aku radumken kam. Adi bage engkai maka kam ngit erjabu ras aku turang?" Nina singuda-nguda e njababsa: "bas aku labo perlu kel kegeluhen wari si nderbih, sinikuperluken e me wari si sendah ras si pepagi, kuidah kam enggo erpala-pala guna nadingken geluh si mbarenda, janah tek aku bas wari si reh enda radu ras sidalani, reh me si mbaru"

Percakapen enda mereken antusen kerna kegeluhen si mbaru. Paulus ngatakan man perpulungen Roma kerna dua biak nggeluh; si pemena kegeluhen si pusuhna ikuasai Kesah ras sipeduaken kegeluhen si pusuhna ikuasai sura-sura ukur. Adi ikuasai Kesah ndatken kegeluhen dengen kemalemen ate. Tapi si ikuasai sura-sura ukur manusia, ermusuhen ras Dibata. Pusuh si ikuasai Kesah Dibata ibangun arah persadan ras Kristus, i ja Kristus enggo mereken diriNa guna mpelambarui geluh manusia.

Sammy Tippit pernah ngatakan maka " *tidak ada tempat yang terlalu gelap untuk ditembus cahaya Tuhan dan tidak ada hati yang terlalu sulit untuk dinyalakan oleh kasih-Nya.*" La lit melketsa bas Dibata, kerina banci ibahanNa jadi bersih. Genduari ipindoken kerna kininggitenta ersada ras Kristus. Bagi kesaksin singuda-nguda ras anak perana ndai, uga meluatna pe kegeluhenta si ndube, melikas kap ras Dibata, janah sura-sura Dibata kita ndatken kemalemen ate dengen kegeluhen si tuhu-tuhu si la erkeri-kerin. Prinsip enda perlu si pebelin bas geluhta, labo lit gunana ngkirai salahta entah salah kalak sideban, tapi siarus silakoken e me uga kita ngisi geluhta (pusuhta) alu kerina si mehuli erpalasken persadanta ras Dibata.

 *Berekenlah pusuhta tep-tep wari ipelambarui Dibata*

